

ქალაქ რუსთავში გეოგრაფიული ობიექტების სახელდების შესახებ

„ადგილობრივი თვითმმართველობის კოდექსი“ საქართველოს ორგანული კანონის 24-ე მუხლის პირველი პუნქტის „ა.ე“ ქვეპუნქტის, „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1 ივნისის №239 დადგენილების შესაბამისად და საქართველოს რეგიონული განვითარებისა და ინფრასტრუქტურის სამინისტროს 2020 წლის 15 დეკემბრის №01/4347 წერილის გათვალისწინებით ქალაქ რუსთავის მუნიციპალიტეტის საკრებულომ **გადაწყვიტა:**

1. ქალაქ რუსთავში, VII და VII^ბ მიკრო რაიონებს შორის არსებულ კიროვაკანის ქუჩას გადაერქვას სახელი და მიენიჭოს **აფხაზეთის ქუჩის** სახელი თანდართული რუკის თანახმად.
2. ქალაქ რუსთავში, სანაპიროს და ქუჩიშვილის ქუჩებს შორის დამაკავშირებელ უსახელო ქუჩას მიენიჭოს გამოჩენილი ქართველი მხატვრის და საზოგადო მოღვაწის – **ელენე ახვლედიანის** ქუჩის სახელი თანდართული რუკის თანახმად.
3. ქალაქ რუსთავში, სანაპიროს ქუჩის მიმდებარედ არსებულ უსახელო ქუჩას მიენიჭოს დიდი ქართველი მხატვრის და საზოგადო მოღვაწის – **ლადო გუდიაშვილის** ქუჩის სახელი თანდართული რუკის თანახმად.
4. ქალაქ რუსთავში, სანაპიროს ქუჩის მიმდებარედ არსებულ უსახელო ქუჩას მიენიჭოს გამოჩენილი მხატვრის და ნოვატორი შემოქმედის – **დავით კაკაბაძის** ქუჩის სახელი თანდართული რუკის თანახმად.
5. ქალაქ რუსთავში, XVIII – XIX მიკრო რაიონის, კერძო დასახლების და მოდებადის ქუჩის მიმდებარედ არსებულ უსახელო ქუჩას მიენიჭოს დიდი ქართველი სასულიერო და სახელმწიფო მოღვაწის, მწერლის – **გრიგოლ ხანძთელის** ქუჩის სახელი თანდართული რუკის თანახმად.
6. ქალაქ რუსთავის მუნიციპალიტეტის მერიამ ოთხი თვის ვადაში უზრუნველყოს ამ განკარგულების შესასრულებლად საჭირო ღონისძიებების განხორციელება.
7. განკარგულება ინფორმაციისთვის გადაეგზავნოს ქალაქ რუსთავის მუნიციპალიტეტის აღმასრულებელ ორგანოს, საქართველოს იუსტიციის სამინისტროს საჯარო რეესტრის ეროვნულ სააგენტოს, საქართველოს იუსტიციის სამინისტროს სახელმწიფო სერვისების განვითარების სააგენტოს, საქართველოს შინაგან საქმეთა სამინისტროს, საქართველოს ცენტრალურ საარჩევნო კომისიას.
8. განკარგულება ძალაშია გაცნობისთანავე.
9. განკარგულება შეიძლება გასაჩივრდეს რუსთავის საქალაქო სასამართლოში (ქალაქი რუსთავი, ბოსტან-ქალაქის №6) საქართველოს ადმინისტრაციული საპროცესო კოდექსის 22-ე მუხლის მეხამე ნაწილით დადგენილი წესით, გაცნობიდან ერთი თვის ვადაში.

საკრებულოს თავმჯდომარე

ლევანი ონიანი

